

周正光旧体诗选辑

1. 拜观美国女画家 Georgia O'keeffe 花卉 油画原作

一

一朵酣然灿若霞，融融春色遍人家。
如何历劫他生外，重认消魂昨夜花！

二

热血奔流宛少时，看花情绪倩谁知。
殷勤同护春华梦，一首无声绝妙诗！

三

千年艺苑几名家，费尽丹铅染鬓华。
惊世奇才欧姬傅，人间除此更无花！

2. 春寒三首寄友人

一

不缘相见始相知，最慕晴窗论学时。
扰扰风尘嗟禹甸，茫茫云水赋新词。
同为海客翻疑梦，忍对夕阳未觉迟。
闻道名城花事好，寸心犹向五更驰。

二

春来已过许多时，一约风前总未知。
杯酒漫斟徒往日，芳辰又负枉新诗。
闭门安得成“迷谷”，涉水同谁采白芝？
终是夜深眠不得，枕檀香细独支颐！

三

几度低回若有诗，灵泉飞动欲何之。
曾同击节歌金缕，可遣闲情付女儿？
别院春寒花漠漠，碧池水满雨丝丝。
会当携酒山南去，容易残红风乱吹！

2008年于德州休士顿之双湖小筑

3. 2007远游杂诗

一

一车驰骋逐初阳，大好男儿不恋乡。
屈指行程知几许，大西洋又太平洋。

——乘车自墨西哥湾至加州金门

二

热浪如蒸风更干，飞禽无影水无痕。
昂然最慕仙人掌，百载长存大漠魂。

——车过亚里桑那州沙漠

三

一樽泉水一行囊，不尽风云鬓已苍。
千叠太平洋畔水，几回共我立斜阳。

——圣地牙哥观海

四

十里名园尽日开，万花撩乱簇高台。
落红遍地全不扫，留待诗人觅句来。

——游洛城日本花园

五

北往南来又此城，芳尘导我作长征。
停车共对暮霞坐，客舍风檐听鸟声。

——夜宿洛邑蒙市

六

一技浮生学未通，江湖垂老尚雕虫。
书生白眼终何悔，又赋新词上险峰。

七

万叶飘黄落满山，寻诗不畏路途艰。
吟成好句辞山去，清韵犹萦云水间。

——寻诗

八

独占苍茫一角天，红尘足底五千年。
我来俯首深深拜，震耳灵风绕树边。

——红木公园礼神木

九

名山有约独来迟，辜负风华百首诗。
天地寂寥吾亦老，乱云扑面立多时。

——车过幽山美地

十

山顶一间小木屋，纵然简陋也温馨。
推门携手长天望，亿万银河亿万星。

——渡假屋记趣

十一

剪取轻纱百丈长，爱心无限献新娘。
情人依旧不思嫁，清影年年挂石梁。

——咏新娘婚纱瀑布

十二

四顾茫茫何所见，此身而外只蓝天。
凝神几度深呼吸，涉足冰河十万年。

——访冰河遗址

十三

连场好戏又登台，人海人山八面来。
文化于今多浅薄，可堪随众笑颜开？

——好莱坞影城

十四

冷冷太古有遗音，一脉清泉可洗心。
飞流直入新篇里，变作诗人婉转吟！

——清泉